

玉海



040
1000:73
34881

玉海卷第一百九十

浚儀王應麟伯厚

兵捷

兵捷 露布

晉宣威將軍武威太守平涼州

通鑑

武紀馬隆傳

咸寧五年正月鮮卑木機能陷涼州司

馬督馬隆曰臣能平之願募勇士三千人帥以西許之以爲討虜將軍武威太守募能引弓四鈞挽弩九十者取之立標簡試自旦至日中得三千五百人請自至武庫選仗帝命惟所取給三年軍資遣之隆西

度溫水機能衆數萬據險拒之隆作偏箱車轉戰行
千餘里殺傷甚衆拜宣威將軍隆至武威鮮卑大人
帥萬餘落來降十二月與機能大戰斬之凉州平

先是

三年三月平虜護軍文鴞討
機能破之降諸胡二十萬口

晉龍驤將軍平吳

通鑑咸寧五年冬十一月晉大舉伐吳鎮軍將軍司
馬佑出涂中安東將軍王渾出江西建武將軍王戎
出武昌平南將軍胡奮出夏口鎮南將軍杜預出江
陵龍驤將軍王濬出巴東監軍唐彬下蜀漢東西凡
二十餘萬命賈充爲使持節假黃鉞大都督屯襄陽

為諸軍節度冠軍將軍楊濟副之太康元年正月杜預向江陵王渾出橫江攻吳鎮戍所向皆克二月王濬唐彬擊破丹陽監盛紀進克西陵 吳都督

等杜預遣牙門管定周旨伍巢等帥奇 八百 舟

夜渡江襲樂鄉多張旗幟起火巴山吳都督孫歆懼

與江陵督伍延書曰北來諸軍乃飛渡江上旨等伏

兵樂鄉城外歆遣軍出拒王濬大敗而還旨等散伏

兵隨歆軍而入歆不覺直至帳下虜歆而還杜預進

攻江陵克之斬伍延於是沅湘以南接 父 兵之

州郡皆望風送印綬伏節稱詔而撫綏之杜預與衆

軍會議或曰百年之寇未可盡克方春水生難於久駐宜俟來冬更為大舉預曰昔樂毅藉濟西一戰以并強齊今兵威已振譬如破竹之後迎刃而解無復著手處也遂指授羣帥方略徑造建業初詔書使王濬下建平受杜預節度至建業受王渾節度預至江陵謂諸將曰若濬得建平則順流長驅威名已著不宜令受制於我若不能克則無緣得施節度濬至西陵預與之書曰足下既擁其西藩便當徑取建業討累世之寇釋吳人於塗炭振旅還都亦一時之盛事也濬大悅自武昌順流徑趣建業吳主遣遊擊將軍

張象帥舟師萬人禦之象望旗而降濬兵甲滿江

熾燭天威勢甚盛吳人大懼分遣使者奉書於渾

佑以請降王濬舟師過三山王渾遣使要濬濬悉

萬方舟百里鼓譟入于石頭吳主皓面縛輿觀詣軍

門降濬解縛焚觀延請相見收其圖籍克州四郡四

十三戶五十二萬三千兵二十三萬或作二萬朝廷聞

吳已平羣臣皆賀上壽摯虞上太康頌帝執爵流涕曰此羊

太傅之功也紀及本傳建業或並作秣陵文並同王濬傳武帝謀伐

吳詔濬修舟艦乃作大舡連舫方百一十步受二千

餘人以木為城起櫓櫓舟楫之盛自古未有尋拜濬

爲龍驤將軍。時議咸諫伐吳。濬上疏願無失事機。帝深納焉。大康元年正月。濬發自成都。率巴東監軍廣武將軍唐彬攻吳丹陽。尅之。吳人於江險磧要害之處。並鐵鎖橫截之。又作鐵錐長丈餘。暗置江中。以逆距船。先具知情狀。濬乃作大筏數十。亦方百餘步。縛草爲人。被甲持仗。令善水者以筏先行。筏遇錐。輒著。又作火炬長十餘丈。大數十圍。灌以麻油。在船前。遇鎖。燃炬燒之。須臾融液斷絕。船無所礙。二月庚申。克吳西陵。壬戌。克荊門。夷道二城。乙丑。尅樂鄉。乙亥。詔進濬爲平東將軍。假節都督梁益諸軍事。濬自發蜀。

兵不血刃攻無堅城郛谷武昌無一相支抗於是順
流鼓棹徑造三山皓送降文於濬奉璽綬委質請命
壬寅濬入于石頭收圖籍封府庫軍無私焉

晉奮威將軍豫州刺史祖逖復河南

論

中原豪傑

祖逖傳逖度江瑯琊王睿以爲軍諮祭酒逖居京口
糾合驍健說王命將出師使如逖者統之以復中原
郡國豪傑必有望風響應者矣王素無北伐之志以
逖爲奮威將軍豫州刺史愍帝建興元年給千人廩布三千
疋不給鎧仗使之自募逖將其部曲百餘家渡江中

流擊楫而誓曰祖逖不能清中原而復濟者有如大

江遂屯淮陰起冶鑄兵器募得二千餘人而後進克

譙城遂鎮雍丘元帝建武元年石勒鎮戍歸附者甚多詔加

逖鎮西將軍三年七月逖在軍與將士同甘苦約已務施

勸課農桑撫納新附雖疏賤者皆結以恩黃河以南

盡爲晉土方推鋒越河掃清冀朔四星東聚五

馬南浮五鐸啓金陵之祚

晉侍中大尉都督荆江雍梁交廣益寧州

諸軍事平襄陽

陶侃傳兼通鑑顯宗咸和五年八月趙郭敬寇襄陽周

猛奔武昌七年侃遣子與南中郎將亘宣西伐樊

城走石勒將郭敬使兄子孫竟陵太守李陽等共破

新野遂平襄陽使亘宣守之

紀七年七月克樊城拔新野襄陽成之

孝武紀天元四年二月苻堅使子丕攻陷襄陽執朱序九年四月使竟陵太守趙統伐襄陽克之

晉安西將軍平蜀

通鑑李特盜巴庸世歷五朝年將四紀勢昏虐人懷

危懼加之荒儉永和二年十一月辛未安西將軍亘

溫

載記云帥益州刺史周撫南郡太守譙王無忌伐

漢拜表即行加撫督梁州之四郡諸軍事使江夏相

袁喬帥二千人爲蒲鋒三年春二月軍至青衣漢王
李勢大發兵趣合水三月溫至彭模議者欲分爲兩
軍袁喬曰當合勢齊力以取一戰之捷不如全軍而
進從之溫自將步卒直指成都李福進攻彭模孫盛
等奮擊走之溫進遇李權三戰三捷漢兵散走溫前
鋒不利衆欲退袁喬拔劍督士卒力戰大破之乘勝
至成都勢送降文于溫尋輿觀面縛諸軍門六世凡四十六
年紀永和三年三月乙丑攻成都克之丁亥勢降
益州平 驅率餘燼敢距大邦授甲晨征理均困獸
斬關宵遁義殊前禽

晉征西將軍克關中

通鑑晉永和十年二月乙丑征西將軍元溫統步騎四萬發江陵水軍自襄陽入均口至南鄉步兵自淅川趣武關命司馬勲出子午道以伐秦獲秦荊州刺史郭敬進擊青泥破之秦主健遣太子萇帥衆五萬軍于曉柳以拒溫四月己亥溫與秦兵戰于藍田大敗之元沖又敗秦丞相雄于白鹿原溫轉戰而前壬寅至灊上三輔郡縣皆來降民爭持牛酒迎勞耆老有垂泣者曰不圖今日復見官軍六月丁丑徙關中三千餘戶而歸王猛謂張安咫尺而不度灊水

晉征虜將軍懷征討大都督謝石破苻堅

復壽陽

通鑑

兼謝元等傳
苻堅載記

晉孝武太元八年秦王苻堅大舉

入寇民每十丁選一兵其良家子年二十以下有材
勇者皆拜羽林郎八月戊午遣陽平公融督張蚝慕
容垂等步騎二十五萬爲前鋒堅自率戎卒六十餘
萬騎二十七萬衆號百萬九月至于彭城東西萬里
水陸齊進運糧萬艘自河入石門達于汝潁遺苻融
慕容暉張蚝苻方等等至潁口詔以謝石爲征虜將軍
征討大都督冠軍將軍謝幼度爲前鋒都督徐玄

等諸州軍事。輔國將軍謝琰西中郎將亘伊等拒之。
衆凡八萬。十月秦攻壽陽。克之。梁成王先等率衆五
萬屯于洛澗。柵澗以遏東兵。謝石謝幼度等去洛澗
二十五里而軍。憚成不敢進。融於壽陽遣朱序來說
石等使降。序私謂石等曰。若秦百萬之衆盡至。誠難
與爲敵。今乘諸軍未集。宜速擊之。若敗其前鋒。則彼
氣已奪。可遂破也。十一月石乃遣牢之以精兵五千
趣洛澗。未至十里。梁成阻澗爲陣。以待之。牢之直前
渡水。擊成大破之。旣斬成及成弟雲。又分兵斷其歸
津。秦步騎潰散。爭赴淮水。士卒死者萬五千人。禽

王偽將梁他王顯等，收其軍實，石等諸軍水陸繼進。

堅與融登壽陽城望之。時堅進見晉兵部陣嚴整，又

望見八公山上草木皆以為晉兵，慙然始有懼色。秦兵

逼肥水而陣，晉兵不得渡。堅曰：「但引兵少却，使之半

渡，我以鐵騎蹙而殺之。」遂麾兵使却。秦兵遂退，不可

復止。幼度琰伊等引兵渡水擊之，融馬倒為晉兵所

殺。秦兵遂潰。謝元傳：元等以精銳八千步度肥水，石

堅中流矢，臨陣斬融。堅衆奔潰，躡籍投水死者不可勝計。肥水為之不流。乘勝追擊，至于

青岡。秦兵大敗，其走者聞風聲鶴唳，皆以為晉兵。且

至草行露宿，死者十七八。獲堅所乘雲母車，復取壽

陽堅單騎走至淮北丁亥石等歸建康
紀太元八年十月乙亥諸將及苻堅戰於肥水大破之俘斬數萬計獲堅輿輦及雲母車

晉前鋒都督謝元平兖青司豫

謝元傳

兼通鑑

太元九年八月太保安奏苻堅喪敗宜

乘其豐以元爲前鋒都督率冠軍將軍亘石虔徑造

渦潁經畧舊都元復率衆次彭城九月遣參軍劉襲

攻堅兖州刺史張崇於鄆城走之

辛卯

使劉牢之守鄆

城

河南城堡皆歸附加安都督揚江等十五州諸軍事加黃鉞

安土疏自來北征甲午

兖州

既平元立七埭爲派以利運漕十月遣淮陵太守高

素以三千人向廣固降青州刺史苻明又進伐冀州遣龍驤將軍劉牢之等據碭濟陽太守郭滿據滑臺命劉襲夜襲乘據走之遂克黎陽三魏皆降兗青司豫平

晉蜀郡太守任權平益州

紀太元十年二月權斬苻堅益州刺史李平益州平

晉中軍將軍克南燕

通鑑義熙五年三月中軍將軍劉裕伐南燕慕容超自淮入泗五月至下邳留船艦輜重步進至琅邪所過皆築城留兵守之過大岷至東莞六月前鋒孟龍